

Serie Generale 9

Anno dominice nativitatis millesimo ducesimo vigesimo primo, die lune *** kalendas octubris, indicione nona. In nomine Domini, amen. Super controversia que vertebatur inter dominos de Ruviglasco, videlicet dominum Manfredum, Panerium, Pasavadum, Ardicionem et alios suos consortes et dominos de Trofarello, scilicet Ubertum Vagnonum *** et Rogerium et Obertum advocatum et Iordanum, ex una parte, et homines de Cellis sive comune de Testona pro illis de Cellis qui habitant in Testona, ex alia. Que quidem causa vertebatur ante dominum Iacobum, Taurinensis ecclesie episcopum, imperialis aule vicarium et tocius Ytalie legatum, et dominum Ubertum de Testona iudicem et dominum Vilelmum Platum in hunc modum: petebant enim domini de Ruviglasco predicti et domini de Trofarello a prefatis hominibus de Cellis qui habitant in Testona fidelitatem et omnia alia que pertinent ad comitatum, poderium et districtum et hoc ex privilegio impetrato a domino Frederico Romanorum imperatorem et ex concessione primo facta a domino Bertholdo de Nono et fratribus suis qui prefatis dominis concesserant in feudum et in feudum dederant quicquid iuris habebant in Cellis et in finibus et territorio et iascriptus dominus imperator hanc concessionem et investituram confirmaverat et auctoritatem suam prestiterat et insuper fidelitatem suam de Cellis tam in ipsis que modo manent in Testona tam in aliis ubicumque degant concesserant prefatis dominis et omnia quecumque pertinent ad comitatum seu contile in integro tam in fodro quam in banno et successionibus et omnibus aliis sicut supra dictum est dederat et confirmaverat ut ipsi possent exigere tam fidelitatem quam alia omnia que pertinent ad comitatum seu contile. Ex adverso dicti homines de Cellis et comune Testone pro ipsis dicebant se non teneri ex tali concessione facta a Bertholdo iascripto et fratribus neque ex tali privilegio impetrato a domino imperatore unde iascripti domini de Ruviglasco et de Trofarello et homines de Cellis et comune Testone propria voluntate et nulla coacta necessitate ad hanc ambiguitatem dicendam sub prefato domino episcopo, imperialis aule vicario et totius Ytalie legato, et sub domino Uberto de Testona iudice et Vilelmo Plato compromiserunt amicabiliter per transactionem, sub pena centum marcharum an utraque parte promissa. Qui dominus episcopus, consensu et voluntate domini Uberti et domini Vilelmi sociorum suorum predictorum ibidem presencium, taliter inter eos per transactionem composuit videlicet quod comune de Testona habeat terciam partem ville de Cellis, illam scilicet que est a parte Testone, sicut est designata cum comitatu sive contilli, poderio et districtu et cum omnibus generaliter et specialiter que pertinent ad hanc terciam partem et domini vero de Ruviglasco et de Trufarello habeant^{a)} alias duas partes ville predicte similiter cum omni comitatu sive contili, poderio et districtu et cum omnibus que pertinent ad illas duas partes. Ita tamen quod homines de Cellis solummodo illi que nunc manent in Testona et eorum heredes et cui dederint vel vendiderint vel alio modo alienaverint terras, vineas et prata et omnia que habent in Cellis et in poderio et districtu habeant et teneant et possideant libere et quiete, pacifice^{b)} tam in tercio concesso comuni Testone quam in aliis duabus partibus, ita ut domini de Ruviglasco et de Trofarello non possint aliquid ab eis exigere necque fidelitatem neque fodrum regale nec aliud fodrum vel bannum vel^{c)} aliud quod pertineat ad comitatum sive contile in personis vel rebus ipsorum, eo excepto quod homines de Ruviglasco et de Trofarello possint ponere camperios et praerios et habeant campariam sub eodem moso et eadem forma sub qua solebat esse camparia in suis duabus partibus et comune de Testona possit idem facere in suo tercio. et homines de Ruviglasco et de Trofarello libere et quiete habeant, possideant et teneant id quod habent in tercio concesso comuni Testone. Ita quod comune Testone non possit ab eis aliquid exigere secundum quod dictum est de hominibus de Cellis qui manent in Testona. Eo excepto quod si homines de Cellis^{d)} qui manent in Testona debent aliquid fictum vel drium vel debitum iascriptis dominis de Ruviglasco et de Troffarello vel decimam vel aliquid alium quod non sit impetratum per concessionem Bertholdi vel privilegium domini imperatoris teneantur dare sicut antea tenebantur iascriptis dominis. Preterea omnia pasqua que sunt subtus stratam vetula que fuit, que sunt de finibus Cellarum et que pertinent ad villam de Cellis per medium dividantur. Ita quod comune Testone habeat medietatem et domini de Ruviglasco et de Troffarello habeant aliam medietatem. Idem fiat de nemore de Cellis ut per medium dividatur ita quod comune Testone habeat medietatem illius nemoris, dicti autem de Ruviglasco et de Troffarello habeant aliam medietatem. Hec omnia iascripta promiserunt per stipulationem domini de Ruviglasco et de Troffarello attendere, tenere et observare secundum quod superius diffinitum est et promiserunt predicti domini de Ruviglasco

et de Troffarello domino Bertrammo Garbano potestati Testone nomine et a parte comunis Testone et hominibus de Cellis varire et deffendere a Bertholdo iascripto et fratribus suis et heredibus ipsorum tam terciam partem quam alia que distincta sunt inter eos. Et si non possent^{e)} defendere et varire promiserunt <ipsis> tricentas libras quas confessi fuerunt recepisse pro iascriptis solvere et reddere. Renunciando omni iuri. que iascripta tercia pars que cessit comuni de Testona ita diffinitur et determinatur a finibus Ruvigliasci per viam Serre versus meridiem usque ad ulmum Podii et ab illa ulmo per eandem viam usque ad locum ubi solebat esse enfermeria usque ad Armellos recte^{f)} sicut vadit via. Et ab Armellis per viam privati sicut vadit recte usque ad campum Lungorum et ab illo loco recte usque ad introitum vallis Rigolffi et ab illo loco iusta vallem usque ad rianam Ronchi et ab illa riana sicut vadit usque ad Padum mortuum, exceptis ex iascriptis Campo Lungorum et Graneriorum et Panzoni qui sunt de finibus Testone. Strata vetus intelligitur iascripta que secus Armellos vadit subtus stratam Petri Pongilloni per terram Romagnanorum et Baççelli et per albram per testam ca<m>pi de Foranis usque ad salicem hospitalis Arenarum. Ex iascriptis plures carte uno tenore fiunt.

Acta sunt hec iascripta in Taurino in palacio iascripti domini episcopi. Interfuerunt: dominus Otto abbas monasterii Sancti Mauri, dominus Milo cantor Taurinensis, dominus Iohannes Novellus, dominus Petrus plebanus de Publicis, dominus Arducio avocatus de Vercellis, dominus Petrus Gumprandus Cariensis ecclesie cantor, Simeom Om de Carii vocati et rogati testes iascriptis omnes presentes.

Ego magister Iacobus imperialis aule notarius iascriptis omnibus interfui et hanc cartam iascriptorum domini episcopi et sociorum precepto et consensu et voluntate parcium predictarum scripsi.

a) B: habeant habeant, *il secondo è espunto.* b) B: *pacificifice.* c) B: bannum vel, *inserito con richiamo nell'interlineo.* d) B: *Celcellis.* e) B: *posent.* f) B: *rete.*